



UNIVERSITÄTS-
BIBLIOTHEK
PADERBORN

Suumma [!] de laudibus christifere virginis Marie

Albertus <Magnus, Heiliger>

Colonie, 1502

VD16 A 1357

De suffie[n]tia dono[rum].

[urn:nbn:de:hbz:466:1-69610](https://nbn-resolving.org/urn:nbn:de:hbz:466:1-69610)

De sufficientijs

Mediate.

distinguitur secundum delectabile trium virtutum motuarum. fides respectu veritatis. spes respectu magnitudinis. charitas respectu bonitatis. Mediate vero sunt secundum tres actus trium virtutum. scilicet rationalis. irascibilis et concupiscibilis. qui sunt discernere. aggredi. concupiscere. penes discernere prudentia. penes concupiscere temperantia. penes aggredi fortitudo. quarta scilicet iusticia sumitur secundum ordinem ad alterum.

Sufficiencia donorum.

¶ De sufficiencia donorum. Donorum multiplicatio sic fit. aut enim doni actus est in malum pene. aut a malo culpe. aut eius actus est in bonum. Si primo modo erit donum timoris. Si autem fuerit in bonum aut est ad bonum quod est ad finem. aut est ad bonum consilij vel precepti. Si est ad bonum precepti aut erit ut dirigens. aut ut exequens. Si ut dirigens est donum scientie. Si ut exequens sic est donum pietatis. ¶ Item si ad bonum consilij. aut erit ut dirigens aut ut exequens. Si ut dirigens sic est donum consilij. Si ut exequens sic est donum fortitudinis. Si autem est ad bonum ut est finis. aut erit ut dirigens. aut ut exequens. Si ut dirigens sic erit donum intellectus. si ut exequens sic erit donum sapientie.

Sufficiencia beatitudinum.

¶ Sufficiencia beatitudinum hoc modo sumitur. Actus beatitudinum vie aut est in bonum. aut est in malum pene vel culpe. Malum autem pene aut est ex compassione rei delectabilis. aut ex compassione rei tristabilis. Tristabile vero aut est ex compassione in presenti inflictum. aut ex pena originali contracta. Si autem fuerit ex compassione rei delectabilis. abdicatio eius est beatitudo paupertatis. Si ex compassione inflictum in presenti sic est mititas. Si ex compassione originali contracta sic est luctus. Si autem fuerit in bonum. aut in bonum increatum. aut in bonum creatum. Si autem fuerit in bonum increatum. aut in bonum consilij. aut in bonum precepti. Si precepti sic est esuries iusticie. Si consilij sic est misericordia. Si autem fuerit in bonum creatum aut quantum ad intellectum. aut quantum ad affectum. Si quantum ad intellectum sic est iudicia cordis. Si ad affectum sic est pacificatio. Et sic patet sufficiencia beatitudinum.

Sufficiencia fructuum.

¶ Perfectio in virtutibus aut est quantum ad actus interiores. quantum ad actus exteriores. Si ad exteriores vel quantum ad gustum vel tactum. vel quantum ad alios sensus. Si quantum ad gustum vel tactum sic erit abstinere a licitis et hec est continentia. vel recte ut licitis et hec est castitas. Si autem quantum ad alios sensus sic est modestia. Si autem quantum ad actus interiores. aut ille erit irascibilis aut concupiscibilis aut rationalis. Si irascibilis. aut respectu illorum que sunt contra finem sic est patientia vel respectu finis et sic est loganimitas. Si autem est actus rationalis vel est quantum ad deum vel quo ad seipsum. vel quantum ad proximum. Si ad deum sic est finis. si ad seipsum sic est bonitas que est dulcedo animi. si autem est ad proximum. tunc vel est in bonum regedo motus concupiscencie et sic est benignitas. vel in bonum regedo motus